



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ա. Դավթի 87 Ա

<< // >> հունիսի 2021թ.

ՈՐՈՇՈՒՄ թիվ 1816-Ա-1

ՎԱՐՉԱԿԱՆ ԱԿՏՈՒՄ ՓՈՓՈԽՈՒԹՅՈՒՆ ԿԱՏԱՐԵԼՈՒ ՎԵՐԱԲԵՐՅԱԼ

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս վերանայելով ֆիզիկական անձ Մանվել Մելսիկի Հախվերդյանի վերաբերյալ կազմված թիվ 1816-Ա վարչական վարույթի նյութերը.

Պ Ա Ր Զ Ե Ց Ի

Համաձայն 14.02.2020 թվականի հարկային պարտավորությունների հաշվարկման վերաբերյալ թիվ 395/2020/ԿՈՒՎԿ/Ն տեղեկանքի ֆիզիկական անձ Մանվել Մելսիկի Հախվերդյանի (հասցե՝ Տավուշի մարզ, ք. Դիլիջան, Թեղուտ, 3 փ. 6 տ., ՀՇՀ՝ 2112650335, ՀՎՀՀ 86459185) չկատարված հարկային պարտավորությունը 14.02.2020 թվականի դրությամբ կազմել է 399.690 ՀՀ դրամ, որից ապառք՝ 284.080 ՀՀ դրամ, տույժ՝ 115.610 ՀՀ դրամ:

Վերոնշյալ պարտավորությունները գանձելու նպատակով 23.04.2020 թվականին ՀՀ ՊԵԿ իրավաբանական վարչության պետի կողմից կայացվել է «ֆիզիկական անձի կողմից չկատարված հարկային պարտավորությունները գանձելու մասին» թիվ 1816-Ա որոշումը:

14.02.2020 թվականին ՀՀ ՊԵԿ հարկային տեղեկատվության և ռիսկերի վերլուծության վարչության կամերալ ուսումնասիրությունների և վերլուծության թիվ 4 բաժնի կողմից կազմված հարկային պարտավորությունների հաշվարկման վերաբերյալ թիվ 395/2020/ԿՈՒՎԿ/Ն տեղեկանքին ի լրումն 02.09.2020 թվականին կազմված թիվ 1543/2020/ԿՈՒՎԿ/Ն տեղեկանքի համաձայն ֆիզիկական անձ Մանվել Մելսիկի Հախվերդյանի բնապահպանական վճարի գծով չկատարված պարտավորությունը կազմում է 389.939 դրամ, որից ապառք՝ 284.080 ՀՀ դրամ, տույժ՝ 105.859 ՀՀ դրամ:

Նկատի ունենալով, որ 23.04.2020 թվականին կայացված թիվ 1816-Ա որոշման մեջ նշվել է, որ չկատարված հարկային պարտավորությունը 14.02.2020 թվականի դրությամբ կազմում է 399.690 ՀՀ դրամ, որից ապառք՝ 284.080 ՀՀ դրամ, տույժ՝ 115.610 ՀՀ դրամ, սակայն ի լրումն կազմված թիվ 1543/2020/ԿՈՒՎԿ/Ն տեղեկանքի համաձայն բնապահպանական վճարի գծով չկատարված պարտավորությունը կազմում է 389.939 դրամ, որից ապառք՝ 284.080 ՀՀ դրամ, տույժ՝ 105.859 ՀՀ դրամ, ուստի՝ ղեկավարվելով «Նորմատիվ իրավական ակտերի մասին» ՀՀ օրենքի 33-րդ, 34-րդ հոդվածներով և «Վարչարարության հիմունքների և վարչական վարույթի մասին» ՀՀ օրենքի 59-րդ հոդվածի 3-րդ մասով՝

Ո Ր Ո Շ Ե Ց Ի

Ֆիզիկական անձ Մանվել Մելսիկի Հախվերդյանի վերաբերյալ ՀՀ ՊԵԿ իրավաբանական վարչության պետի կողմից կայացված 23.04.2020 թվականի «ֆիզիկական անձի կողմից



չկատարված հարկային պարտավորությունները գանձելու մասին» թիվ 1816-Ա որոշման մեջ
կատարել հետևյալ փոփոխությունը.

«115.610» թիվը փոխարինել «105.859» թվով, իսկ «399.690» թիվը՝ «389.939» թվով:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ

Կատարող՝ ԻՎ ՀԳ Ա ՊԿԱ քաժին,
գլխավոր մասնագետ
Տ. Ազիզյան, հեռ.011 54-91-91 /91-68/



ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ՎԵՐԱԲԵՐՅԱԼ

Ստորև կատարվում է հարկային պարտավորությունների հաշվարկ՝ հիմք ընդունելով ՀՀ ՊԵԿ մաքսային մարմինների կողմից ստացված տեղեկությունները, այսպես.

ՀՀ ՊԵԿ մաքսային մարմինների կողմից ստացված տեղեկությունների համաձայն՝ ֆիզիկական անձ **ՄԱՆՎԵԼ ՄԵԼՍԻԿԻ ՀԱՌՎԵՐԴՅԱՆԻ** կողմից (հաշվառման հասցե՝ **ՏԱՎՈՒՇ ԴԻԼԻՋԱՆ ԹԵՂՈՒՏ 3 Փ. 6 Տ ՇՈՂ՝ 2112650335 ՀՎՀՀ՝ 86459185**) ԵԱՏՍ անդամ պետություններից ՀՀ տարածք է ներմուծել շրջակա միջավայրին վնաս պատճառող ԱՏԳԱԱ 8703 ապրանքային դիրքին դասվող և 5 տարուց ավելի թողարկման տարեթիվ ունեցող հետևյալ տրանսպորտային միջոցները.

1. 28/03/2017 թվականին ներմուծվել է **BA3 21093** մոդելի 2002 թվականի արտադրության տրանսպորտային միջոցը, որի ինվոյսային արժեքը կազմել է **596400** ՀՀ դրամ.
2. 04/10/2017 թվականին ներմուծվել է **YA3 469B** մոդելի 1983 թվականի արտադրության տրանսպորտային միջոցը, որի ինվոյսային արժեքը կազմել է **824000** ՀՀ դրամ:

Համաձայն «Բնապահպանական և բնօգտագործման վճարների մասին» ՀՀ օրենքի (մինչև 01.01.2018թ. գործող խմբագրությամբ) 10-րդ հոդվածի 2-րդ մասի՝ ԵՏՍ անդամ հանդիսացող պետություններից ՀՀ ներմուծվող՝ շրջակա միջավայրին վնաս պատճառող ապրանքների համար վճարը հաշվարկվում է ներմուծողը այդ ապրանքների համար «Հայաստանի Հանրապետության և Եվրասիական տնտեսական միության անդամ պետությունների միջև անուղղակի հարկերի հաշվարկման և վճարման առանձնահատկությունների մասին» ՀՀ օրենքով սահմանված կարգով որոշվող ավելացված արժեքի հարկով հարկման բազայի (առանց այդ ապրանքների համար օրենքով սահմանված կարգով հաշվարկված ակցիզային հարկի գումարի) հիման վրա (վճարի հաշվարկման բազա) և պետական բյուջե է վճարում մինչև այդ ապրանքները ՀՀ տարածք փաստացի ներմուծելու (ՀՀ պետական սահմանը հատելու) օրն ընդգրկող ամսվան հաջորդող ամսվա 20-ը ներառյալ: Նույն պարբերությունում նշված բնապահպանական վճարի հաշվարկը ներառվում է «Անուղղակի հարկերի հաշվարկման և վճարման առանձնահատկությունների մասին» ՀՀ օրենքով սահմանված կարգով ու ժամկետներում հարկային մարմին ներկայացվող ներմուծման հարկային հայտարարագրում:

«Հայաստանի Հանրապետության և Եվրասիական տնտեսական միության անդամ պետությունների միջև անուղղակի հարկերի հաշվարկման և վճարման առանձնահատկությունների մասին» ՀՀ օրենքի 8-րդ հոդվածին համապատասխան՝ «Անուղղակի հարկերի մասին» արձանագրության 20-րդ կետի կիրառության իմաստով ապրանքների ներմուծման դեպքում հարկ վճարողը պարտավոր է նույն օրենքի 7-րդ հոդվածի 2-րդ մասով սահմանված ժամկետներում իր հաշվառման վայրի հարկային մարմին ներկայացնել ներմուծողի լրացրած՝ ներմուծման հարկային հայտարարագիրը:

Ֆիզիկական անձի կողմից 2017 թվականի ընթացքում ներմուծման գործարքի(ների) մասով ներմուծման հարկային հայտարարագիր չի ներկայացվել և չի վճարվել բնապահպանական վճարի գումարը, նման պայմաններում՝ հարկային պարտավորությունների հաշվարկը կատարվում է հետևյալ կերպ.

«Բնապահպանական վճարների դրույքաչափերի մասին» ՀՀ օրենքի 4-րդ հոդվածին համապատասխան՝ ԱՏԳԱԱ 8703 ապրանքային դիրքին դասվող և 5 տարուց ավելի թողարկման տարեթիվ ունեցող տրանսպորտային միջոց(ներ)ի ներմուծման մասով բնապահպանական վճարը կազմում է **284080 ՀՀ դրամ** [$596400 \times 20\% + 824000 \times 20\%$]:


ՀՀ հարկային օրենսգրքի(այսուհետ՝ Օրենսգիրք) 447-րդ հոդվածի 2-րդ և 5-րդ մասերի համաձայն՝ հարկի վճարումը սահմանված ժամկետներից ուշացնելու դեպքում ժամկետանց յուրաքանչյուր օրվա համար հարկ վճարողը կամ հարկային գործակալը վճարում է տույժ՝ 0.15 տոկոսի չափով՝ յուրաքանչյուր ժամկետանց օրվա համար, բայց ոչ ավելի, քան 365 օրվա համար **56185 ՀՀ դրամ** (02.09.2020 թվականի դրությամբ) [$119280 \times 256 \times 0.15\% + 164800 \times 42 \times 0.15\%$]:

Մինևույն ժամանակ Օրենսգրքի 447-րդ հոդվածի 6-րդ մասի համաձայն՝ օրենսգիրքն ուժի մեջ մտնելու օրվան հաջորդող ժամկետանց յուրաքանչյուր օրվա համար հարկ վճարողը կամ հարկային գործակալը տույժը վճարում է 0.075 տոկոս չափով, այդ թվում՝ նաև այն դեպքում, եթե տույժերի հաշվարկը սկսվել է մինչև Օրենսգիրքն ուժի մեջ մտնելը և Օրենսգրքի 447-րդ հոդվածի 7-րդ մասի համաձայն՝ մինչև Օրենսգիրքն ուժի մեջ մտնելը սկսված և Օրենսգիրքն ուժի մեջ մտնելու օրվա դրությամբ դեռևս չավարտված տույժերի հաշվարկը Օրենսգիրքն ուժի մեջ մտնելուց հետո շարունակվում է մինչև հաշվարկի 365-րդ օրը լրանալը՝ 0.075 տոկոսի չափով՝ **49674 ՀՀ դրամ** (02.09.2020 թվականի դրությամբ) [$119280 \times 109 \times 0.075\% + 164800 \times 323 \times 0.075\%$]:

Այսպիսով, ֆիզիկական անձի կողմից չկատարած հարկային պարտավորությունների գումարը 02.09.2020 թվականի դրությամբ կազմում է՝ **389939 ՀՀ դրամ**:


Միաժամանակ Ձեզ տեղեկացվում է, որ հարկային պարտավորությունները հաշվարկվել են 02.09.2020 թվականի դրությամբ և ենթակա են վերահաշվարկման լրացուցիչ նյութերի ու փաստաթղթերի առկայության և ներկայացման դեպքում:

ԿԱՄԵՐԱԼ ՈՒՍՈՒՄԱՍԻՐՈՒԹՅՈՒՆՆԵՐԻ ԵՎ ՎԵՐԼՈՒԾՈՒԹՅԱՆ ԹԻՎ 4 ԲԱԺԻՆ ՊԵՏ



ԼԻԱՆԱ ԶԻԼԱՎՅԱՆ

ԿԱՄԵՐԱԼ ՈՒՍՈՒՄԱՍԻՐՈՒԹՅՈՒՆՆԵՐԻ ԵՎ ՎԵՐԼՈՒԾՈՒԹՅԱՆ ԹԻՎ 4 ԲԱԺԻՆ ԳԼԽԱՎՈՐ ՀՏ



ՇԱՀԱՆԵ ԿԱՐԱՊԵՏՅԱՆ

ՏԵՂԵԿԱՆՔԻ ԿԱԶՄՄԱՆ ԱՄՍԱԹԻՎ՝

02.09.2020